

Cofrestru fel busnes bwyd

Canllawiau ynghylch a oes angen i chi gofrestru fel busnes bwyd

Gallai fod angen i chi [gofrestru fel busnes bwyd](#) os ydych chi, neu eich gweithrediad, yn darparu bwyd i'r gymuned **yn rheolaidd ac mewn modd cyfundrefnol**, hyd yn oed os yw am ddim, a hynny 28 diwrnod cyn i chi ddechrau darparu bwyd.

Mae gennym gyngor penodol ar [sut i gofrestru fel busnes bwyd](#).

Cyn darparu bwyd yn rheolaidd i'r gymuned, cysylltwch â [thîm diogelwch bwyd eich awdurdod lleol](#) i drafod y gofynion cofrestru.

Fel gweithredwr busnes bwyd, mae angen i chi ddilyn y gofynion diogelwch a hylendid bwyd perthnasol, a amlinellir yn y canllawiau hyn. Mae cofrestru fel busnes bwyd yn golygu y bydd eich gweithrediad yn destun [arolygiadau](#) gan swyddogion awdurdodedig, ac y bydd yn cael sgôr hylendid bwyd, os yw'n gymwys ar ei chyfer.

Os taw dim ond **yn achlysurol** y byddwch chi'n darparu bwyd i'r gymuned, efallai na fydd angen i chi gofrestru fel busnes bwyd. Fodd bynnag, dylai'r bwyd a ddarperir gennych chi fod yn ddiogel i'w fwyta o hyd, ac rydym yn argymhell eich bod yn dilyn yr arferion gorau o ran diogelwch a hylendid bwyd a restrir yn y canllawiau hyn.

Os ydych yn ansicr, mae gennym senarios i'w darllen am [ddarparwyr bwyd y mae angen iddynt gofrestru fel busnes, a'r rheiny nad oes angen iddynt gofrestru fel busnes](#).

A chithau'n weithredwr busnes bwyd, gall eich [tîm diogelwch bwyd lleol](#) roi cymorth a chyngor pellach i chi mewn perthynas â'r materion yn y canllawiau hyn.

Mae gennym hefyd ganllawiau diogelwch a hylendid bwyd ar gyfer [darparu bwyd mewn digwyddiad cymunedol neu elusennol](#).